

Na osnovu člana 7. tačke b) i f) i člana 21. stav 2. Zakona o Centralnoj banci Bosne i Hercegovine („Službeni glasnik BiH“, br. 1/97, 29/02, 8/03, 13/03, 14/03, 9/05, 76/06 i 32/07) i člana 49. stav 2. Pravilnika Centralne banke Bosne i Hercegovine, br. UV-104-01-1-116/15 od 28.12.2015. godine, UV-122-01-1-1045-11/21 od 28.04.2021. godine, UV-104-01-1-1425-15/21 od 29.06.2021. godine i UV-122-01-1-2029-11/22 od 28.11.2022. godine, Upravno vijeće Centralne banke Bosne i Hercegovine na 4. sjednici održanoj dana 25.04.2023. godine, donosi

## **IZMJENE ETIČKOG KODEKSA CENTRALNE BANKE BOSNE I HERCEGOVINE**

### **Član 1.**

U Etičkom kodeksu Centralne banke Bosne i Hercegovine, broj: UV-104-01-1-1587-8/21 od 27.07.2021. godine i broj: UV-122-01-1-2029-18/22 od 28.11.2022. godine (u daljem tekstu: Etički kodeks), u članu 3. stavu (1) tačke g), h) i i), mijenjaju se i glase:

- „ g) **Predstavnik ugovornog organa u postupku javne nabavke** – guverner, član Upravnog vijeća, viceguverner, direktor i rukovodilac organizacione jedinice, službenik koji učestvuje u izradi tehničkih specifikacija, predsjednik i član komisije za nabavku i osoba koja u okviru svojih nadležnosti i ovlaštenja odobrava i/ili predlaže sadržaj tenderske dokumentacije, ocjenjuje ponude ili predlaže odabir dobavljača.
- h) **Članovi domaćinstva** – osobe koje žive u jednoj zajednici, bez obzira na srodstvo, a koja podrazumijeva zajednički život, stanovanje, privređivanje i trošenje ostvarenih prihoda, a obuhvata bračnog i vanbračnog druga, dijete (bračno, vanbračno, usvojeno, pastorče i dijete bez roditelja uzeto na izdržavanje), kao i druge osobe koje žive u zajedničkom domaćinstvu (npr. roditelji, očuh, maćeha, usvojlac, usvojenik, djed i baka, brat, sestra);
- i) **Povezane osobe** – srodnici po krvi u pravoj liniji ili u pobočnoj liniji do trećeg stepena, srodnici po tazbini do drugog stepena, bračni ili vanbračni drug, bez obzira na to da li je brak prestao, te usvojio i usvojenici. U povezane osobe ubrajaju se i članovi domaćinstva iz prethodne tačke.”.

### **Član 2.**

U članu 29. stav (4), mijenja se i glasi:

„(4) Predstavnik ugovornog organa u postupku javne nabavke koji se vodi za potrebe Centralne banke, dužan je obavijestiti o svakom sukobu interesa, do kojeg dođe tokom njegovog rada, radi poduzimanja daljih aktivnosti. Obavješćavanje se vrši u skladu sa odredbama Zakona o javnim nabavkama i Pravilnika o javnim nabavkama kroz dostavljanje odgovarajuće izjave o postojanju ili nepostojanju sukoba interesa. U slučaju nabavki na koje se ne primjenjuje Zakon o javnim nabavkama a koriste se finansijska sredstva Centralne banke BiH, na lica iz člana 3. stav (1) tačka g) Etičkog kodeksa analogno se primjenjuju pravila utvrđena Etičkim kodeksom koja se odnose na sukob interesa po osnovu javnih nabavki.”.

### **Član 3.**

Član 30. mijenja se i glasi:

”Član 30.

(Izjava o ličnim interesima)

(1) U svrhu provjere postojanja potencijalnog ili stvarnog sukoba interesa, članovi Upravnog vijeća dostavljaju glavnom stručnjaku, izjavu o okolnostima koje mogu predstavljati potencijalni ili stvarni sukob interesa.

(2) Članovi Upravnog vijeća podnose prijavu iz stava (1) ovog člana u roku od 30 dana od početka primjene ovih izmjena Etičkog kodeksa, a novoimenovani članovi Upravnog vijeća, u roku od 30 dana od imenovanja, odnosno u roku od 30 dana od dana nastanka promjene podataka datih u izjavi.

(3) Izjava sadrži sljedeće podatke:

- a) Informacije o imenovanom licu, kao i članovima njegovog domaćinstva,
- b) Podatke o nekretninama u vlasništvu,
- c) Podatke o drugim prihodima koje ostvaruje izvan Centralne banke,
- d) Podatke o pokretnoj imovini u vlasništvu, pojedinačne vrijednosti iznad 25.000 KM,
- e) Podatke o dugovima, jamstvu, sudužništvu, kreditima, pojedinačne vrijednosti iznad 25.000 KM,
- f) Podatke o vlasništvu nad poslovnim udjelom, dionicama, odnosno drugim pravima na osnovu kojih učestvuju u upravljanju, odnosno u kapitalu tog privrednog subjekta s više od 0,5%, za osobu koja daje izjavu i s njim povezane osobe.

(4) Izjava iz stava (1) ovog člana je data u obrascu br. 1. koji čini prilog i sastavni dio ovih izmjena Etičkog kodeksa.

(5) Podaci dati u izjavi predstavljaju lične podatke i štite se u skladu s važećim propisima o zaštiti ličnih podataka.”.

### **Član 4.**

**(Stupanje na snagu i početak primjene)**

Ove izmjene Etičkog kodeksa stupaju na snagu osmog dana od dana objavljivanja na intranet stranici Centralne banke, primjenjivaće se od 01.05.2023. godine

Broj: UV-122-02-1-990-5/23

Sarajevo, 25.04.2023. godine

**Predsjedavajući  
Upravnog vijeća Centralne banke  
Bosne i Hercegovine**

**dr. Senad Softić**

**IZJAVA O LIČNIM INTERESIMA****PODACI O IMENOVANIM LICIMA – za članove Upravnog vijeća**

Ime i prezime	
Pozicija	
Vaš trenutni angažman/zaposlenje (naziv funkcije/radnog mjesta i pravnog lica gdje ste angažovani u momentu imenovanja za člana Upravnog vijeća CBBiH)	

**PODACI O ČLANOVIMA DOMAĆINSTVA**

(Potrebno je navesti podatke o svim članovima domaćinstva (član 3. tačka h) Kodeksa):

Odnos/veza (npr. bračni drug, dijete, brat, sestra, otac, majka, itd.):*	Podaci o angažmanu/zaposlenju – naziv pravnog lica/institucije/udruženja/ javnog preduzeća/ ustanove i sl., gdje je član domaćinstva angažovan/zaposlen

Napomena\*: nije potrebno da navodite puno ime i prezime članova domaćinstva. U svrhu prevencije sukoba interesa, dovoljno je navesti u kojem ste odnosu sa tom osobom.

**PODACI O NEKRETNINAMA**

(Potrebno je navesti sve nekretnine u vlasništvu davaoca izjave ili one na kojima ima stanarsko pravo):

Opis i veličina nekretnine	1. 2. 3. 4.
Lokacija	1. 2. 3.

	4.
Način sticanja (kupovina, nasljedstvo, poklon ili drugo)	1. 2. 3. 4.
Vrijednost nekretnine u KM	1. 2. 3. 4.

### PODACI O POKRETNOJ IMOVINI

*(Potrebno je navesti svu pokretnu imovinu čija je pojedinačna vrijednost iznad 25.000 KM):*

Opis pokretne imovine	1. 2. 3. 4. 5.
Način sticanja	1. 2. 3. 4. 5.
Vrijednost	1. 2. 3. 4. 5.

### PODACI O PRIMANJIMA

*(Navedite sva primanja (prihode) koje ostvarujete izuzev prihoda po osnovu zaposlenja/imenovanja u Centralnoj banci):*

Vrsta prihoda (plata, naknada isl.) i podaci o isplatiocu	1. 2. 3. 4. 5. 6.
Iznos	1. 2. 3. 4. 5.

	6.
Period u kojem ostvarujete prihod	1. 2. 3. 4. 5. 6.

### PODACI O DUGOVIMA, JAMSTVU, SUDUŽNIŠTVU I KREDITIMA

Opis obaveze (kredit, jamstvo, sudužništvo, dug po drugom osnovu)	Naziv povjerioca	Ukupna vrijednost obaveze u KM	Godina zaduženja	Rok vraćanja

### PODACI O VLASNIŠTVU NAD POSLOVNIM UDJELIMA, DIONICAMA ILI DRUGIM PRAVIMA U PRIVREDNIM SUBJEKTIMA

*(Potrebno je navesti podatke o vlasništvu nad poslovnim udjelom, dionicama, odnosno drugim pravima na osnovu kojih učestvuju u upravljanju, odnosno u kapitalu tog privrednog subjekta s više od 0,5%,):*

Naziv privrednog subjekta	Vrijednost udjela	Vlasnik udjela (lično ili povezana osoba*)	Odnos s povezanom osobom (npr. bračni/vanbračni drug, dijete itd.)

*\*Napomena: potrebno je da navedete sva vlasništva nad poslovnim udjelima, dionicama ili drugim pravima na osnovu kojih učestvujete u upravljanju odnosno kapitalu privrednog subjekta za sebe lično i za **povezane osobe** iz čl. 3 tačka i) Kodeksa.*

## IZJAVA O TAČNOSTI I POTPUNOSTI PODATAKA

Potpisani

<input type="checkbox"/>	Potvrđujem da su informacije navedene u ovoj izjavi tačne i potpune,
<input type="checkbox"/>	Potvrđujem da ću odmah obavijestiti glavnog stručnjaka o svim promjenama podataka iz ove izjave, s ciljem procjene i upravljanja sukobom interesa.

Datum:

Potpis:

*Obrazloženje o obradi i zaštiti ličnih podataka:*

*Centralna banka BiH obrađivaće lične podatke sadržane u ovoj izjavi isključivo u svrhu procjene sukoba interesa u skladu sa Zakonom o javnim nabavkama i Etičkim kodeksom Centralne banke Bosne i Hercegovine. Svi lični podaci službenika/imenovanih lica će biti zaštićeni u skladu s propisima koji definišu zaštitu ličnih podataka.*

*Službenici/imenovana lica u svakom momentu imaju pravo pristupa svojoj izjavi kao i zahtijevanja izmjene ili brisanja ličnih podataka koji su se izmijenili.*

*Ova izjava neće biti javno objavljena niti dostupna trećim licima.*